

脩省減免禮儀例

成化七年十二月二十四日禮部尚書鄒 等題為禮
儀事儀制清吏司手本奉本部送該本部將成化
八年正月初一日

正旦節宴賞等事具題節該奉

聖旨正旦節也免賀欽此臣等仰惟

皇上因

天象垂警免行

賀禮茲因

聖心克謹

天戒之盛然

正旦節乃三陽肇一歲之首又值天下諸司衙門官員

人等朝

觀會同之期若全免慶

賀不惟礼文太簡抑且无以伸臣下之敬合無先期日

鴻臚寺官設

表案於

奉天殿外錦衣衛設鹵簿駕教坊司設樂

上位具衾冕服執事官於

華蓋殿先行五拜三叩頭礼鴻臚寺官奏

陛殿導引

陛殿作樂如儀文武百官各具朝服行四拜礼鴻臚寺讚

進表礼部行叩頭禮鴻臚寺官徹案百官再行四拜礼

畢其習儀鷄鳴報時宣表致詞傳

制侍班捧

寶陳設方物為匹及山呼舞蹈等礼俱各減免庶幾行礼

適中原礼儀未敢擅便具題次日奉

聖旨是欽此

部官御史坐次例

成化八年十月初六日禮部尚書鄒 等

題為申明禮儀事儀制清吏司案呈奉本部送禮科批
出

欽差刑部郎中金文奏成化八年五月初四日節該欽奉

勅諭時命爾往南直隸會同巡按監察御史將各府州縣

衛所見監問罪囚逐一審錄若御史別有公務相離地

遠爾只督所在官司從公審錄欽此欽遵本月二十日

臣到直隸徐州沛縣聞知巡按御史魏秉在於淮安府城

內移文差人的會外先歷各該近便州衛所衙門將見

監問罪囚督同所在官員逐一審錄因見本官日久